

# 30-APREL, yakshanba kuni referendumda ishtirok etish ESINGIZDAN CHIQMASIN-A!

Ovoz berish soat 8:00 dan 20:00 gacha o'tkaziladi.



Fidoyilik –  
Vatanga xizmat demak!

2023-yil 27-aprel, payshanba,  
49 (23.770)-son

**KUN  
HIKMATI**

Ma'naviyat  
o'z-o'zidan  
shakllanmaydi, uni  
turmush tarziga  
aylantirish, har kuni  
mashq qilish lozim

# Zarafshon

1913-yil aprel oyidan chiqqan boshlagan



[www.zarnews.uz](http://www.zarnews.uz) <https://www.facebook.com/zarnews.uz> [@zarnews\\_uz](https://twitter.com/zarnews_uz) [https://twitter.com/zarnews\\_uz](https://twitter.com/zarnews_uz)



## Elektron tijorat va IT sohasidagi ilk ko'rgazma

Jomboy tumanida joylashgan "SOF EXPO Samarqand" ko'rgazmalar markazida ilk marotaba elektron tijorat va chakana savdo sohasi mutaxassislari uchun "ECOM & Retail EXPO Samarqand" xalqaro ko'rgazma-forumi ish boshladi.

Ushbu ko'rgazmada mahalliy va xalqaro ma'ruzachilar, kompaniyalar va kuzatuvchilar IT sohasidagi so'nggi ishlanmalar, dasturlar va xizmatlarni taqdim etmoqda. Forumda Markaziy Osiyo va MDH davlatlaridan 20 dan ortiq korxonalar, 30 dan ziyod mahalliy va xalqaro kompaniya rahbarlari va ma'ruzachilar ishtirok etmoqda.

Ushbu ko'rgazma elektron tijorat va chakana savdo sohasidagi eng yirik ko'rgazma hisoblanadi va bu texnologiyalar, innovatsiyalar, moliyaviy tizimlar va banking, onlayn sotish va sotib olish, raqamli marketing, ta'minot zanjirini boshqarish, transport xizmatlari, chakana savdo mutaxassislari va biznesni boshlash, kengaytirish uchun boshqa xizmatlar jamlanmasidir. Tadbir Marketplace vakillari, FinTech, startaplari, onlayn va oflayn savdo uchun IT xizmatlari, davlat idoralari (B2G), onlayn-do'konlar, mahsulot ishlab chiqaruvchilar va sotuvchilar, logistika va kurerlik xizmatlari, elektron tijorat va chakana savdoga qiziquvchilar uchun qulay maydondir.

Ikki kunga mo'ljallangan forumda ekspertlar ishtirokida onlayn-tijorat texnologiyalarini rivojlantirish doirasida panel muhokamalar, o'quv seminarlar o'tkazish rejalashtirilgan. Bozorning bugungi holatini muhokama qilish, istiqbol va tendensiyalar, davlat idoralari startni qo'llab-quvvatlash borasidagi fikrlar, MSB loyihalari, chakana savdo va biznesni avtomatlashtirish xizmatlari jarayonlarini taqdim etadilar.

Korxonamiz 2021-yilda tashkil etilgan va biz ishlab chiqaruvchi, sotuvchi yoki yetkazib beruvchilarning mahsulotlarini bir vaqtning o'zida 500 dan ortiq elektron savdo maydonchalariga chiqarib sotish uchun joylashtirish bilan shug'ullanamiz, - deydi "Fume" MCHJ operatsiyalar bo'yicha direktori va ta'sischi Aziz Yo'ldoshev. - Bundan tashqari, tovarlarni saqlash, buyurtmaga ko'ra omborlardan yig'ish, qadoqlash va O'zbekiston bo'yicha yetkazib berish xizmatlarini ko'rsatamiz. Bugungi forumda O'zbekiston bozoriga qiziquvchi tojikistonlik elektron savdo bilan ishlovchi tadbirkorlar bilan hamkorlik o'rnatildi. 2023-yilning uchinchi choragidan Qozog'istonga eksport yo'nalishlarini ochib, O'zbekistonda gi ishlab chiqaruvchilarning mahsulotlarini xorij bozorlarida sotishga ko'maklashamiz. Kelajakda xizmatlarimizni Rossiya, Yevropa va arab davlatlarida joriy qilish ustida muzokaralar olib boryapmiz.

Ushbu forum O'zbekiston va jahonda keng rivojlanayotgan raqamli texnologiyalarni ommalashtirish, yangi texnologiyalar bilan tanishish, biznes va savdoni kengaytirish imkoniyatlarini taqdim etadi.

O'ktam XUDOYBERDIYEV,  
Alisher ISROILOV (surat).

## Samarqand shahridagi Yoshlar markazida "Vatan manzumasi" nomli adabiy-ma'rifiy kecha bo'lib o'tdi.

O'zbekiston Respublikasi Mudofaa, Madaniyat va turizm vazirliklari, Yozuvchilar uyushmasi, Ma'naviyat va ma'rifat markazi hamda qator tashkilotlar hamkorligida tashkil etilgan tadbir O'zbekiston Yozuvchilar uyushmasi raisi o'rinbosari Botir Ergashev, O'zbekiston xalq artisti Saidkomil Umarov, O'zbekistonda xizmat ko'rsatgan artist Shohida Ismoilova so'zga chiqdi.

Taniqli ijodkorlarning Vatan, xalq, ona kabi mavzulardagi she'rlari o'qildi. Shuningdek, mamlakatimizdagi tinchlik, osoyishta hayot, hamjihatlik va farovonlikni ifodalovchi videolavhalar, teatrlashtirilgan badiiy kompozitsiyalar namoyish etildi.

Bunday adabiy-ma'rifiy kechalarni o'tkazishdan asosiy maqsad yoshlarni vatanparvarlik ruhida tarbiyalash, - dedi Botir Ergashev. - Buyuk ajdodlar va yurt ravnaqi yo'lida jasorat ko'rsatgan insonlarni yod etish, ularning avlodlarga qoldirgan merosini o'rganish va ishlarini davom ettirish o'zini shu yurt farzandim deb bilgan har bir inson uchun ham qarz, ham farzdir. Ana shu tushunchalar adabiyot va san'at ahli tomonidan ommaga yetkazilmoqda.

Adabiy kecha yakunida Vatan himoyasi yo'lida halok bo'lgan harbiy xizmatchilar xotirasi yod etildi.

- O'g'lim 2000-yil avgust oyida Surxondaryo viloyati-

## "VATAN MANZUMASI": Jasorat, matonat, vatanparvarlik madh etildi



ning Uzun va Sariosiyo tumanlarida terrorchilarga qarshi janglarda qahramonlarcha halok bo'ldi, - deydi marhum harbiy xizmatchi Sayyor Sadinovning onasi Roziya Sadinova. - O'tgan yil farzandimning xotirasini abadiylashtirish maqsadida o'zi tug'ilib o'sgan Girdiqo'rg'on mahallasida uning

byusti o'rnatildi. Farzandimning xizmatlari hozirgacha e'tirof etilayotganidan juda xursandman. Bugun ham o'g'limning jasorati, yurt tinchligi yo'lida ko'rsatgan qahramonligi ko'p bor tilga olinib, xotirlandi.

Fazliddin RO'ZIBOYEV.

## Ma'lumotlarga ko'ra, 21-24-aprel kunlari Samarqandga 242 ming 532 nafar mahalliy, 20 ming 112 nafar xorijiy sayyoh tashrif buyurdi.

## DAM OLISH KUNLARI QANCHA SAYYOH KELDI?

Ramazon hayiti munosabati bilan berilgan dam olish kunlari Samarqand shahri Registon, Shohi Zinda, Hazrati Xizr, Imom Buxoriy va Imom Moturiy majmualari, Amir Temur maqbarasi, "Buyuk Ipak yo'li" xalqaro turizm markazi va yana o'nlab obyektlar sayyohlar bilan gavjum bo'ldi.

O'zbekiston deganda ko'z oldimda birinchi navbatda Samarqand gavdalana-di, - deydi fransiyalik Shantal Fabregul. - Oilam bilan yurtimizga kelganimizga 10 kundan oshdi. Bu vaqt oralig'ida Samarqand, Xiva va Buxoro shaharlarining diqqatga sazovor maskanlarida bo'ldik. Samarqand men yoqtirgan eng go'zal shaharlardan biri. Chunki ko'hna kentda buyuk allomalar merosi, tarixiy obida va muqaddas qadamlar maftunkorligi bilan o'ziga jalb qilib turadi.

Dam olish kunlarida ichki turizm

uchun bir qator chegirmalar ham joriy etildi. Shu bois mahalliy sayyohlar ham ko'pchilikni tashkil qildi.

Dam olish kunlari oilamiz bilan Samarqand shahriga keldik, - deydi jizzaxlik Adolat Mustafoyeva. - Chegirma bilan mehmonxonaga joylashib, Registon maydoni, Amir Temur maqbarasi, Ulug'bek rasadxonasi, Xo'ja Donyor va Shohi Zinda majmualarini ziyorat qildik. Sayohatimiz taassurotlarga boy bo'ldi.

Samarqandga oxirgi marta besh yil oldin kelgandim, - deydi buxorolik Salim Normurodov. - Bolalarim va nabiralirim bilan tarixiy shahar yanada ko'rkamlashganiga guvoh bo'ldik. Ayniqsa, yaqinda barpo etilgan turizm markazi shaharda sayyohlar oqimi ko'payib borayotganini ko'rsatmoqda.

F.FAXRIDINOV.

## AGRAR SOHA YETAKCHI TARMOQQA AYLANADI

Viloyatimiz aholisi yiliga o'rtacha 91 ming nafarga oshmoqda. Bu esa oziq-ovqat xavfsizligi qanchalik dolzarb masala ekanligini ko'rsatmoqda. Yer va suv resurslari cheklangan bir sharoitda aholining o'sib borayotgan ehtiyojlarini faqat ilmga tayangan holda yuqori hosildorlikka erishish bilan qondirish mumkin. O'tgan yilda viloyatda qishloq xo'jaligi mahsulotlari ishlab chiqarish hajmi 45 trillion so'mni tashkil etib, o'sish 105 foizga yetkazildi. Bu yil o'sish sur'atlarini 105,2 foizga, ishlab chiqarish hajmini esa 47 trillion so'mga yetkazish rejalashtirilgan.



(Davomi 2-sahifada) >>>





